



*Unioni de is Cumunus de su Partiolla e
Campidanu de bàsciu
Ufitziu Lìngua e Cultura Sarda*



*Cumunu de Soléminis
Provìntzia de Casteddu
Ufitziu Lìngua e Cultura Sarda*

*Torraus gràtzias a
Max Leopold Wagner
po su chi at fatu po sa
Limba*

S' Ufitziu po sa Lìngua e sa Cultura sarda
est a dispositzioni de sa genti, assòtzius,
maistus de iscola, professoris e istudentis po
dònna informatzioni, duda, curiosidadis,
bibliografia, sitografia asuba de sa Lìngua
Sarda, po consulèntzias didàticas e po
cuntzillus asuba de is règulas de iscritura de
su sardu

Orariu de obertura po sa genti:
Giòbia de is 8.30 a is 13.30
Tel. 3405435003
Operatori Priamo Farris

*Annu I, n. 1
Gennarxu 2013*

Novas

**ELETZIONIS POLÌTICAS
DE DOMÌNIGU 24 DE FRIAXU E LUNIS 25 DE FRIAXU
2013**

**CUNVOCATZIONI DE IS CUMÌTZIUS
ELETORALIS**

SU SÌNDIGU

Castiau su testu ùnicu de is leis innui ddoi funt normas po s'eletzioni de sa Càmera de is deputaus, decretu de su Presidenti de sa Repùbrica de su 30 de Martzu 1957, n.361, e modificas fatas a pustis;

Castiau su testu ùnicu de is leis innui ddoi funt normas po s'eletzioni de su Senau de sa Repùbrica, decretu legislativu de su 20 de Idas 1993, n.533, e modificas fatas a pustis;

RENDIT NODIU

Ca, cun decretu de su Presidenti de sa Repùbrica de su 22 de Idas 2012, n.226, imprentau in sa Gazeta Uficiali n.299 de su 24 de Idas 2012, funt istétius cunvocaus po **Domìnicu 24 e Lunis 25 de Friaxu 2013 is cumìtzis eletoralis po is eletzionis po sa Càmera de is deputaus e po su Senau de sa Repùbrica.**

Is fainas preliminaris de is ufizius eletoralis de setzioni ant a inghitzai a is cuatru de pustispràngiu de Sàbudu 23 de Friaxu 2013 e ant a torrai a inghitzai a is otu de a mengianu de Domìnicu 24 de Friaxu 2013.

S'AT A VOTAI DOMÌNIGU 24 E LUNIS 25 DE FRIAXU 2013:

- Domìnicu 24 de Friaxu 2013 sa votazioni at a inghitzai a is otu de a mengianu e at a sighiri fintzas a is dexi de a meri de sa pròpia dìi; is eletoris chi a cuss'ora s'ant a agatai ancora in is aposentus de su ségiu ant a éssiri amìtius a votai;
- Lunis 25 de Friaxu 2013 sa votazioni at a inghitzai a is seti de a mengianu e at a sighiri fintzas a is tres de pustispràngiu de sa pròpia dìi; is eletoris chi a cuss'ora s'ant a agatai ancora in is aposentus de su ségiu ant a éssiri amìtius a votai.

Su Sìndigu

Rita Pireddu

**S'ELETORI, PO VOTAI, DEPIT AMOSTAI A
SU PRESIDENTI DE SU SÉGIU
SA TÈSSERA ELETORALI PERSONALI E UNU
DOCUMENTU DE RICONOSCIMENTU**

Novas po sa mensa in iscola

Si fait sciri a sa genti ca su Servitziu po papai in iscola is istudentis po s'annu scolasticu 2012-2013 tenit règulas nobas po pagai a partiri de Gennarxu 2013.

Cun s'agiudicatzioni de s'apaltu a favori de sa A.T.I. COCKTAIL SERVICE/CATERING PIU', mudant certas maneras po pagai is bonus. Po totus, chentza de castiai su logu de residèntzia, is bìlletus nous ant a éssiri disponibilis a partiri de su 10 de Gennarxu 2013 in iscola etotu, e s' ant a pòdiri pigai donendi sa ricida de pagamentu de fàiri segundu is inditus chi sighint.

Su versamentu de su dinai no tocat a ddu fàiri prus in su contu currenti de sa dita, ma in su C/C intestau a su Cumunu comenti sighet:

C/C Postali n. 16431090 intestau a su Cumunu de Soléminis

Costu de su Servitziu.

Su costu de su bonu po papai po is bìventis in su Cumunu de Soléminis est su pròpiu de primas:

- €. 2,00 po su primu fillu,

- €. 1,30 de su segundu, su tertzu e aici andendi,

mentras po is "no residentis" a causa de s'agiudicatzini noba est aumentada a €.4,94, I.V.A. inclùdia.

*Su Responsàbili de su Servitziu
Dr. Efsio Farris*